

# Ақийда дарслари (205-дарс) Жиннинг имкониятлари инсоннига нисбатан кўпроқми? (тўртинчи мақола)



00:00 / 30.11.2022 2905

9. Мұхаммад алайхиссалом Пайғамбар бўлишларидан олдин жинлар осмондаги фаришталарнинг гапини ўғрилийка эшитиб олиб, инсонлардан бўлган ўз яқинларига етказиб турар эдилар.

Аллоҳ таоло Жин сурасида қуидагиларни айтади:

وَشَهِبَا شَدِيدًا حَرَسًا مُلِئَتْ فَوَجَدَنَّهَا أَلْسَمَاءَ لَمَسَنَا وَأَنَا



لَهُوَيْحِدُ الْأَنَّ يَسْتَمِعُ فَمَنْ لِلشَّمْعِ مَقْعِدٌ مِّنْهَا نَقْعُدُ كَنَّا وَأَنَّا

رَصَدَ اشْهَابًا

«Ва албатта, биз осмон(га етиш)ни талаб қилдик. Бас, уни кучли қўриқчиларга ва учқунларга тўлган ҳолда кўрдик. Ва албатта, биз у(осмон)да тинглашга қулай жойларга жойлашиб олар эдик. Энди эса ким қулоқ солса, ўзини пойлаб турган учқунга дучор бўладир» (8-9-оятлар).

Яъни жинлар осмонга аввалгидек ғайб хабарларни ўғриликча эшитиш, кишилар тақдирини билиш учун кўтарилиганда, тамоман бошқа ҳолатга дуч келганликларини айтмоқдалар.

Жинлар Муҳаммад соллаллоҳу алайҳи васаллам Пайғамбар бўлгунларича, осмонга чиқиб, ўз ҳожатларини раво қилиб қайтардилар. Расулуллоҳ соллаллоҳу алайҳи васалламга ваҳий кела бошлагач, осмонни кучли фаришталар қўришга ўтдилар ва жинларни турли жойлардан учқунлар билан қувиб ҳайдадилар. Оятда жинларнинг ана шу ҳолатига ишора қилинмоқда. Иккинчи бир томондан бу оят жинлар бизнинг ер куррамиздан ташқарида ҳам ҳаёт кечириш хусусиятига эга эканлигига далилдир.

10. Жинларнинг таом емоқлари ҳам бор. Аммо уларнинг таомланиши қандай ва унинг моҳияти нима эканлигини билмаймиз.

Имом Муслим ва имом Термизий Ибн Масъуд розияллоҳу анҳудан ривоят қилган ҳадисда Расулуллоҳ соллаллоҳу алайҳи васаллам: «Тезак билан

ҳам, сүяк билан ҳам истинжо қилманглар. Улар сизнинг жин биродарларингизнинг зодидир», деганлар.

Имом Абу Довуд Ибн Масъуд розияллоху анхудан ривоят қилган ҳадисда қуидагилар айтилади:

«Расулуллоҳ соллаллоҳу алайҳи васалламнинг ҳузурлариға жинлар ҳайъати келганда: «Эй Аллоҳнинг Расули, умматингизни сүяк, тезак ва кўмир билан истинжо қилишдан қайтаринг. Аллоҳ бизнинг ризқимизни ўшаларда қилган», дейишди. Шунда Расулуллоҳ соллаллоҳу алайҳи васаллам бизларни ўша нарсалардан қайтардилар».

**«Сунний ақийдалар» китоби асосида тайёрланди**